



মাধ্যমিক ও উচ্চমাধ্যমিক শিক্ষা বোর্ড, ঢাকা

www.dhakaeducationboard.gov.bd


সড়ক নিরাপত্তা বিষয়ে জনসচেতনতামূলক বিজ্ঞপ্তি

সূত্র ৪ শিক্ষামন্ত্রণালয়ের স্মারক নং- ৩৭.০০.০০০০.০৬৫.৯০.১০৮.১৮-৩৪৫ তারিখ- ২০ আগস্ট ২০১৮

উপর্যুক্ত বিষয় ও সূত্রের প্রেক্ষিতে মাধ্যমিক ও উচ্চমাধ্যমিক শিক্ষা বোর্ড, ঢাকা এর সকল শিক্ষা প্রতিষ্ঠানকে জানানো যাচ্ছে যে, দেশব্যাপী সড়ক নিরাপত্তা বিষয়ে জনগণের মাঝে সচেতনতা সৃষ্টির মাধ্যমে সড়ক দুর্ঘটনা শৃঙ্খলা নিশ্চিত করতে সরকার দৃঢ় প্রতিজ্ঞ। মাননীয় প্রধানমন্ত্রীর নির্দেশনার পরিপ্রেক্ষিতে সম্প্রতি বাংলাদেশ স্কাউটস সদস্যগণ সড়ক নিরাপত্তার বিষয়ে যে ভূমিকা রেখেছে তা সকল মহলে প্রসংশিত হয়েছে। সড়ক নিরাপত্তা ও শৃঙ্খলা বিষয়ে সচেতনতা সৃষ্টির জন্য ছাত্র- ছাত্রীদের মাধ্যমে অভিভাবকদের মাঝে সড়ক নিরাপত্তা ও শৃঙ্খলা বিষয়ে সচেতনতা তৈরির উদ্যোগ নেয়া হলে এ প্রচেষ্টা আরও বেশি টেকসই ও ফলপ্রসূ হবে বলে আশা করা যায়। মাননীয় প্রধানমন্ত্রী এ বিষয়ে বাংলাদেশ স্কাউটস অধিকতর মাত্রায় সম্পৃক্ততার উপর গুরুত্ব আরোপ করেছেন। এরই আলোকে বাংলাদেশ স্কাউটস ছাত্র-ছাত্রীদের মাধ্যমে অভিভাবকদের মাঝে সচেতনতা তৈরির জন্য একটি লিফলেট/ প্রচারণাপত্র তৈরি করেছে, যা এই পত্রের সাথে সংযুক্ত করা হলো।

সড়ক নিরাপত্তা ও শৃঙ্খলা বিষয়ে সচেতনতা সৃষ্টির জন্য নিম্নোক্ত কার্যক্রম গ্রহণ করার জন্য সংশ্লিষ্ট সকলকে অনুরোধ করা হলো:

- সংযুক্ত লিফলেটটি প্রয়োজনীয় সংখ্যক কপি করে সকল শিক্ষা প্রতিষ্ঠানের (স্কুল, কলেজ ও বিশ্ববিদ্যালয়) ছাত্র-ছাত্রীদের নিকট বিতরণ;
- লিফলেট বর্ণিত বিষয়াদির উপর ছাত্র- ছাত্রীদের কে শ্রেণিকক্ষে শ্রেণি শিক্ষক কর্তৃক প্রয়োজনীয় ধারণা/ নির্দেশনা প্রদান;
- সকল শিক্ষা প্রতিষ্ঠানে বিভিন্ন প্রশিক্ষণ কোর্সে সড়ক নিরাপত্তা ও শৃঙ্খলা বিষয়ে সেশন অন্তর্ভুক্ত করা;
- বিদ্যালয়ের প্রত্যাহিক সমাবেশে সড়ক নিরাপত্তা বিষয়ে আলোচনা করা। শিক্ষকগণ প্রয়োজনে এ বিষয়ে ট্রাফিক পুলিশসহ অভিজ্ঞ অন্যান্য ব্যক্তি ও সংস্থার নিকট থেকে সহযোগিতা গ্রহণ করবেন;
- ছাত্র- ছাত্রীদের নিজেদের মধ্যে লিফলেটে বর্ণিত বিষয়ে আলোচনা ও তা অনুসরণে অনুপ্রাণিত করা;
- ইউনিফর্মধারী স্কাউট, রোভার স্কাউট ও গার্ল গাইডসদের মাধ্যমে পথচারীদের মাঝে লিফলেট বিতরণ;
- ছাত্র-ছাত্রীদের মাধ্যমে তাদের অভিভাবকগণের নিকট এই লিফলেট পৌঁছানো এবং অভিভাবকদের নিকট ছাত্র-ছাত্রীগণ কর্তৃক লিফলেটে বর্ণিত বিষয়াদি পরিষ্কারভাবে উপস্থাপন করে ট্রাফিক নিয়ম-কানুন ও সড়ক নিরাপত্তা বিষয়ে অবহিতকরণ নিশ্চিত করা;
- অভিভাবকগণ বিষয়টি অবহিত হয়েছেন মর্মে লিফলেটের নির্ধারিত স্থানে তাঁদের স্বাক্ষর গ্রহণপূর্বক তা বিদ্যালয়ে ফেরত প্রদান;
- ঈদ উল আযহার ছুটি শেষে শিক্ষা প্রতিষ্ঠানে ক্লাস শুরু করার সাথে সাথে এ কার্যক্রম আরম্ভ করা এবং ৩০ সেপ্টেম্বর ২০১৮ এর মধ্যে শেষ করা;
- প্রত্যেক মসজিদ ইমামদের মাধ্যমে এই লিফলেট বর্ণিত বিষয়ে মুসল্লিদেরকে জুমার নামাজের পূর্বে অবহিত করা;
- প্রত্যেক শিক্ষা প্রতিষ্ঠানে অভিভাবক সমাবেশ/ মা সমাবেশের মাধ্যমে বিষয়টি অবহিত করা;
- এ কার্যক্রমে শিক্ষা প্রতিষ্ঠানের ব্যবস্থাপনা কমিটিকে সম্পৃক্ত করা;
- বাংলাদেশ স্কাউটস এর সাথে সমন্বয় করে ৩০ সেপ্টেম্বর ২০১৮ তারিখে দেশব্যাপী একসাথে সংশ্লিষ্ট শিক্ষা প্রতিষ্ঠানের পার্শ্ববর্তী সড়ক/ মহাসড়ক সকল ছাত্র-ছাত্রী ও শিক্ষকদের সড়ক নিরাপত্তা বিষয়ক স্লোগান সম্বলিত ফেস্টুন স্বল্প সময়ের জন্য প্রদর্শন করা।


৩৭.০৮.২০১৮
কলেজ পরিদর্শক

মাধ্যমিক ও উচ্চমাধ্যমিক শিক্ষা বোর্ড
ঢাকা

নিরাপদ সড়ক নিশ্চিতি করণে আমাদের দায়িত্ব:

সড়ক নিরাপদ রাখার জন্য আমাদের সকলেরই ভূমিকা রয়েছে। একতাবদ্ধভাবে কাজ করলে নিরাপদ সড়ক করা সম্ভব। অননুমোদিত ও ত্রুটিপূর্ণ যানবাহন, লাইসেন্সবিহীন ও অনভিজ্ঞ ড্রাইভার যেমন দুর্ঘটনার জন্য দায়ী, তেমনিভাবে দায়ী পথচারী এবং যাত্রীগণের অসচেতনতা। সকলে মিলেই আমাদেরকে আনতে হবে পরিবর্তন। আসুন আগে আমরা নিজেকে বদলাই এবং অন্যকে বদলাতে সহায়তা করি। তাহলেই আমরা সড়ককে পরিপূর্ণভাবে নিরাপদ করতে পারবো।

সড়ক দুর্ঘটনার কারণ সমূহ:

- # ফিটনেসবিহীন গাড়ী, বৈধ লাইসেন্সবিহীন চালক
- # ওভারস্পীড, ওভারলোড, অতি আত্মবিশ্বাস এবং বেপরোয়া ওভারটেকিং
- # নিয়ম না মেনে পথ চলা
- # অসাবধানতা, অমনোযোগিতা (চালক, যাত্রী ও পথচারী)
- # গাড়ী চালানো ও রাস্তা পারাপারের সময় মোবাইল ফোন ব্যবহার
- # চালকের মাদকাসক্তি। শারীরিক ও মানসিকভাবে সুস্থ না থাকা
- # ট্রাফিক ও রোড সাইন সম্পর্কে অজ্ঞতা
- # বিরামহীন দীর্ঘ সময় ধরে গাড়ী চালানো
- # চালকের চোখ ও কানের ত্রুটি

পথচারী হিসাবে আমার দায়িত্ব:

- # ট্রাফিক সিগন্যাল যথাযথভাবে মেনে চলা
- # রাস্তা পারাপারের সময় ডানে-বামে ভালোভাবে লক্ষ্য করে জেব্রা ক্রসিং/ফুট-ওভারব্রিজ/আন্ডারপাস দিয়ে রাস্তা পার হওয়া
- # রাস্তা পারাপারের সময় মোবাইল ফোন ও হেডফোন ব্যবহার না করা
- # ফুটপাথ দিয়ে চলাচল করা। ফুটপাথ না থাকলে রাস্তার পাশ দিয়ে হাঁটা

যাত্রী হিসাবে আমার দায়িত্ব:

- # চলন্ত গাড়ীতে হাত, মাথা, বা শরীরের কোন অংশ জানালা দিয়ে বের না করা
- # নির্ধারিত স্টেপেজে গাড়ীতে ওঠানামা করা। চলন্ত গাড়ীতে ওঠানামা না করা
- # বাসে /ট্রেনে নির্ধারিত স্টেপেজ ব্যতিত অন্য কোনো স্থানে গাড়ীর জন্য অপেক্ষা না করা
- # চলন্ত গাড়ীতে গেটে ঝুলে না থাকা
- # চালককে দ্রুত গাড়ী চালাতে প্ররোচিত না করা; দ্রুত চাললে তাঁকে বারণ করা
- # চালককে মোবাইল ফোনে কথা বলা থেকে বিরত থাকার অনুরোধ করা
- # বিশেষ চাহিদাসম্পন্ন ব্যক্তি, বৃদ্ধ, শিশু, নারী এবং অসুস্থ ব্যক্তিদের যানবাহনে আসনের অগ্রাধিকার প্রদান করা; প্রয়োজনে নিজের আসনটি ছেড়ে দেয়া
- # অনুমোদনহীন যানবাহন যেমন ইজি বাইক, ইঞ্জিন রিকশা, নছিমন, ভটভটি ইত্যাদিতে আরোহন না করা
- # গাড়ী থেকে কফ, থুথু বা কোন কিছু ছুঁড়ে না ফেলা
- # ধারণ ক্ষমতার অতিরিক্ত যাত্রী হয়ে গাড়ীতে না ওঠা
- # বাসে/ ট্রেনে অপরিচিত কারো কাছ থেকে কোন কিছু না খাওয়া
- # অনির্ধারিত মাইক্রোবাস বা অন্য যানবাহনে শেয়ার আরোহন না করা

গাড়ী চালক হিসেবে আমার দায়িত্ব :

- # ট্রাফিক আইন, ট্রাফিক সাইন ও রোড সাইন সম্পর্কে পুরোপুরি ধারণ রাখা
- # গাড়ী চালনার পূর্বে গাড়ীর প্রাথমিক নিরাপত্তা বিধান যেমন- ইঞ্জিন অয়েল, ব্রেক, গিয়ার, চাকা, জ্বালানী, পানি, ইত্যাদি পরীক্ষা করা
- # বৈধ লাইসেন্স ও প্রয়োজনীয় কাগজপত্র ব্যতীত এবং ফিটনেসবিহীন গাড়ী না চালানো
- # অননুমোদিত যানবাহনে ফ্লাগস্ট্যান্ড, স্টিকার, হুটার, বিকন লাইট ব্যবহার না করা
- # বেপরোয়াভাবে গাড়ী না চালানো এবং গতিসীমা মেনে চলা
- # গাড়ী চালানো অবস্থায় মোবাইল ফোন ব্যবহার না করা
- # নির্ধারিত স্টেপেজ ছাড়া অন্য কোথাও যাত্রী ওঠানামা না করানো
- # জেব্রা ক্রসিং হতে নির্ধারিত দূরত্বে গাড়ী থামানো
- # সিট বেল্ট ব্যবহার করা
- # হেলপার দিয়ে গাড়ী না চালানো
- # মাদক গ্রহন হতে বিরত থাকা
- # গাড়ী চালানোর সময় কারো সাথে কথা না বলা
- # গাড়ী চালানোর সময় ধূমপান থেকে বিরত থাকা
- # প্রয়োজন ছাড়া গাড়ীর হর্ণ না বাজানো; জরুরী প্রয়োজনে হর্ণ বাজালেও খুব সংক্ষিপ্ত সময়ের জন্য বাজানো



- # হাইড্রোলিক হর্ণ বর্জন করা
- # অনুমোদনহীন স্থানে পার্কিং না করা
- # শিক্ষা প্রতিষ্ঠান ও হাসপাতালের সামনে গতিসীমা মেনে অতি সতর্কতার সাথে গাড়ী চালানো এবং হর্ণ না বাজানো
- # নিয়মিত চোখ ও কান পরীক্ষা করা এবং প্রয়োজনে চশমা ও শ্রবণযন্ত্র ব্যবহার করা
- # একটানা ছয় ঘণ্টার বেশী গাড়ী না চালানো
- # কোন অবস্থাতেই উল্টা পথে গাড়ী চালনা না করা
- # অ্যান্ডুলেপ, ফায়ার সার্ভিস ও জরুরী সেবাকে অগ্রাধিকার দেয়া
- # বাম লেনে যান চলাচলে প্রতিবন্ধকতা সৃষ্টি না করা
- # নির্ধারিত লেনে গাড়ী চালানো

মোটরসাইকেল চালক হিসাবে আমার দায়িত্ব:

- # লাইসেন্স ছাড়া মোটরসাইকেল না চালানো
- # ট্রাফিক সিগন্যাল অমান্য করে না চালানো
- # উল্টা পথে মোটরসাইকেল না চালানো
- # ফুটপাথ দিয়ে মোটরসাইকেল না চালানো
- # মোটরসাইকেলে আরোহনের পূর্বে চালক ও আরোহীর হেলমেট পরিধান নিশ্চিত করা এবং চালক সহ দুই জনের বেশি আরোহন না করা
- # কোন চলন্ত গাড়ীর সাথে পাল্লা দিয়ে না চালানো
- # দুই যানবাহনের মাঝখান দিয়ে না চালানো

যানবাহন মালিক হিসাবে আমার দায়িত্ব:

- # রেজিস্ট্রেশন, রুট পারমিট, ইন্সুরেন্স, ফিটনেস সার্টিফিকেট ছাড়া রাস্তায় গাড়ী বের না করা ও হালনাগাদ কাগজপত্র গাড়ীতে রাখা ।
- # গাড়ীতে অগ্নিনির্বাপক সিলিন্ডার, ফাস্ট এইড বক্স ও ময়লা ফেলার বুড়ি রাখা
- # বৈধ ড্রাইভিং লাইসেন্স ছাড়া গাড়ী চালাতে না দেয়া
- # নিয়মিত সকল চালকের চোখ ও কান পরীক্ষা করা
- # অপ্রাপ্তবয়স্ক চালককে গাড়ী চালাতে না দেয়া
- # গণপরিবহনে ৬ ঘণ্টা পরপর চালক পরিবর্তন করা
- # ট্রাক চালকদের রাস্তার মাঝে বিশ্রামের সুযোগ দেয়া
- # চুক্তিতে গাড়ী চালাতে না দিয়ে চালক ও সহকারীদের বেতন ও বোনাস নিয়মিত প্রদান করা
- # গণপরিবহনের দৃশ্যমান স্থানে গাড়ীর মালিক, চালক, হেল্লার ও সুপারভাইজারের নাম, মোবাইল নাম্বার, গাড়ীর রেজিস্ট্রেশন নাম্বার ও ভাড়ার তালিকা প্রদর্শন করা

অভিভাবক ও শিক্ষক হিসাবে আমার দায়িত্ব:

- # নিজ সন্তান ও ছাত্র- ছাত্রীদের ট্রাফিক আইন, ট্রাফিক সাইন ও রোড সাইন সম্পর্কে প্রাথমিক জ্ঞান প্রদান করা
- # প্রতিটি শিক্ষা প্রতিষ্ঠানে ছাত্র ছাত্রী ও অভিভাবকদের জন্য নিয়মিত ট্রাফিক সচেতনতামূলক কর্মসূচী গ্রহন করা
- # শিশুদের জানাতে হবে নিরাপত্তা সর্বাগ্রে এবং শিক্ষার্থীদের ভালোভাবে জানাতে হবে



গুরুত্বপূর্ণ ট্রাফিক সাইন



ট্রাক চলাচল নিষেধ



পথচারী চলাচল নিষেধ



পার্কিং নিষেধ



স্বামানো নিষেধ



ওভারটেকিং নিষেধ



ডানে মোড় নিষেধ



বামে মোড় নিষেধ



হর্ন বাজানো নিষেধ



"ইউ" টার্ন নিষেধ



রিক্সা চলাচল নিষেধ



মুঠ রাস্তার সংস্কারকাল




স্ক্রোব্র এনিসং



কমিক বেল ওয়ে এনিসং



প্রবেশ নিষেধ



একদুখী চলাচল বাজা

লিফলেটের নিচের অংশটি ব্যাকরণ করে কেটে শিক্ষা প্রতিষ্ঠান প্রধানের নিকট জমা দিতে হবে।

আমি/আমরা উল্লিখিত নিয়মাবলী মেনে চলব এবং অন্যকে মেনে চলতে উৎসাহিত করবো।

মাতা ও পিতা/অভিজ্ঞাবকের নাম, সম্পর্ক, মোবাইল নম্বর

স্বাক্ষর

ক) _____

খ) _____

গ) _____

ঘ) _____